

欽定大清會典事例

卷一百八十九至
一百九十一

戶部

積儲

欽定大清會典事例卷一百八十九

戶部

積儲

設立常平倉
常平倉存糶

常平穀本

常平積儲

設立常平倉。直省州縣衛所各設常平倉。凡米、麥、穀、豆、高粱、咸儲。該管官司其出納歲歉賑借平糶。年豐出陳易新。計一歲之出入。造具奏銷冊籍。申府司達督撫彙造送部查覈。直隸江南、江西、山西、陝西各設倉大使一人。其餘直省府州縣衛所均有倉。無額設大使。順治十三年議准。積穀賑濟。務令修葺倉廩。印烙倉斛。

選擇倉書糴糶平價。不許別項動支倉穀。康熙二十五年題准。黑龍江墨爾根地方。起造倉廩。收存米穀。雍正四年覆准。凡地方倉廩有滲漏及牆垣木植不堅全者。所需工費無多。該地方官即為修補。若年久傾圮。甃瓦木植破碎朽壞者。該地方官詳明上司。委官估計工費報部。即動支正項修蓋。其有地方廩座無多。將倉糧寄存僧寺道院者。或並無寄存之處。將米穀露囤者。該地方官詳請督撫查勘確實。將作何建倉之處。酌量具題。儻州縣官漫不經心。因循

怠玩不修補倉廩不詳請修蓋以致米穀黻爛者照溺職例革職限一年內照動帑買補之數賠完限內不完照侵蝕錢糧例以未完米穀之數依律治罪倉廩既經修造猶有託名黻爛虧空者查出照侵蝕例治罪○六年

諭

積貯米穀所以備旱澇緩急之需民命攸關若倉廩

不足必有黻爛虧折等弊嗣後著將各府州縣倉廩

入於交盤項內新舊交代若有傾圮滲漏及木植朽

壞之處著接任官即行揭報不准接受儻有徇情濫

受者即係接任官之責除照例處分外仍令賠修欽

此遵

旨議定。各府州縣倉廩入於交盤項內交代。如有傾圯
滲漏。接任官揭報。將前任官照例議處賠修。如
接任官徇情濫受。即將接任官議處責令賠修。
其黻爛虧空米穀。由接任官限年賠完。若接任
官藉端勒索。亦即題叅。○十一年議准。喜峯口
倉。就近歸於遷安縣經管。每間存穀五百四十
石。建倉廩二十六間。○乾隆四年議准。興建倉
廩於存公銀內動給。照例每間給銀二十兩。存
米五百石。○同治六年

諭。民生本計。足食為先。歲之豐歉無常。惟在平時豫為籌備。遇有偏災。方足以資接濟。向來各直省州縣。設立常平倉。以外復設義倉。原以廣積儲而備災荒。立法本為至善。自軍興以來。地方被賊擾害。舊有義倉。每多廢棄。亟應及早興復。以備不虞。著各直省督撫。即飭所屬地方官。申明舊制。酌議章程。勸令紳民量力捐穀。於各鄉村廣設義倉。並擇公正紳耆。妥為經理。不准吏胥干預。該督撫等務當實力奉行。不得視為具文。

常平穀本。○順治十二年題准。各州縣自理贖。

緩春夏積銀。秋冬積穀。悉入常平倉備賑。置簿登報。布政使司彙報督撫。歲終造報戶部。其鄉紳富民樂輸者。地方官多方鼓勵。毋勒以定數。○康熙十八年題准。地方官整理常平倉。每歲秋收。勸諭鄉紳士民捐輸米穀。○三十一年議准。山東每畝捐穀四合。除原有可儲倉廩外。其無倉廩之州縣。交地方官酌量建造。○三十二年覆准。浙江產麥無多。所收不敷民食。鄉紳士民捐輸。夏秋併作一次。每畝捐穀四合。○三十四年議准。令直省督撫飭各州縣衛官勸諭鄉

紳士民。每歲收穫時。量力捐輸積儲。遇穀貴之時。將米麥貸於乏穀之人。俟收穫。照原領米麥之數交還。如不肖有司。有抑勒多收情弊。照私派錢糧例處分。○三十六年。覆准湖廣三十五年分各官捐輸之穀。儲各屬常平倉。以備賑濟。○四十三年。題准陝西人口衆多之州縣。增儲米三千石。其次州縣二千石。又次州縣千石。交與地方官採買存儲。動西安司庫兵餉銀十四萬兩。以十萬兩。照時價買米增儲。以四萬兩。於各州縣蓋造倉廩。其甘肅地方。既無倉廩。即於

常平倉糧內十分之中。動用一分蓋造。將用過糧米缺數。照原定數目補還。再陝西甘肅二處。照依應徵地丁銀一錢米一斗輸納者。令其捐輸糧三合。以為備災之用。如遇歉年。停其捐輸。○又議准福建現在捐輸穀二十七萬餘石。常平倉穀約五十六萬餘石。其內地積穀。仍按原存州縣之額數存留。常平穀照時價儘數發糶。至臺灣一府三縣。遠在海外。現在捐輸穀八千六百餘石。常平倉穀十一萬石有奇。除每縣應存之數加謹收儲。以備每歲出陳易新之用外。

其餘穀石盡行發糶儲銀。遇荒年賑濟。○四十九年奏准。湖南鎮筸地方。自改協為鎮之後。兵民聚處。生齒日繁。酌借帑銀三千兩。買穀儲倉。穀貴平價發糶。穀賤買補還倉。○五十四年題准。浙江平糶漕米十萬石。存儲仁和錢塘等九縣倉廩。開徵新糧之日。難以並存。現於省城廣豐倉之舊址。建廩二百四十間收儲。○又覆准。湖北撫司道府州縣等官。共捐輸穀三萬五千七百石。分撥大中小州縣衛所收存備用。○五十九年覆准。河南截留漕米內。撥十萬石運至

西安存儲。○雍正元年覆准。動浙江庫帑買米三萬石。運廈門收存萬石。漳泉二府各存六千石。餘八千石。運赴福建省城。設遇米價稍貴。一面奏請。一面平糶。○又覆准。豫省河北三府。麥苗稀少。秋禾未種。小民艱於粒食。將康熙六十年漕糧六萬二千五百九十石。截留衛輝府存儲。將陝州收捐米內。酌撥二萬石。運送懷慶府存儲。以備需用。○四年議准。江南地廣人稠。需用米穀。倍於他省。動帑買運。以濟民食。恐稽時日。暫照河工議敘貢監之例。將銀改為本色。

米穀。每銀一兩收米一石。或穀二石。鄰省之人亦准捐輸。不論稷、秬、紅、白兼收。行文督撫一面動支正項錢糧。委官於產米地方。照依時價採買運送。其採買若干。運送何地。該督撫公同商酌。妥議具奏。一面行文鄰省。並出示曉諭本省生監。令其急公赴輸。且分別府州縣之大小。酌量應輸米穀之多寡。俟各該處應儲米穀捐足之日。即行停止。其所收米穀。加謹存儲。按季造冊報部。如有私自收取折銀。及勒索包攬情弊。即指名題參。從重治罪。此項存儲米穀。有應用。

平糶散賑出借者。該督撫卽具題動支。將動用數目。報部查覈。○又覆准江南蘇松常三府。買穀八萬石收儲。○又覆准浙江甯波金華等府。買穀五萬五千餘石分儲。○又覆准浙江杭嘉湖等府。動司庫銀十萬兩。買穀分儲。○又議准福建臺灣。於常運平糶米五萬石之外。動正項錢糧運米十萬石。存邊海地方。若遇臺灣豐收之年。再酌量加增運儲。仍令臺灣商販。得至福州等府貿易。○五年議准湖廣鹽商。捐穀銀十萬兩。分發湖北六萬兩。湖南四萬兩。交各府飭

令就近採買存儲。九年議准江蘇屬十一府州地廣人稠需用米石甚多。今照雍正五年所定大縣一萬五千石。中縣一萬石。小縣八千石。穀則倍之。凡遇青黃不接之際酌量糶賣。不必拘定存七糶三。仍令秋成領買還倉。至江蘇常鎮四府戶口尤多。令於水陸衝要之地另建府倉。各存五萬石。以備轉運。又議准川省除現存米穀四十二萬石外。再買儲六十萬石。分作三年。每年買穀二十萬石。每石約價三錢。需銀六萬兩。於夔關及鹽茶贏餘銀內動支。○十一

年議准順天等十府。冀州等五州。現存各項。並
應買還本色。共穀二百一十五萬餘石。酌量大
中小治。勻撥備儲。仍令動項添建倉廩。○十二
年議准。奉天錦縣甯遠州。戶口殷繁。且係沿海
地方。米石接濟鄰省。令各存米十萬石。蓋平復
州。海城等處。濱海潮溼。難以久儲。各存米四萬
石。金州現存米六千餘石。毋庸議增。其不沿海
之承德。鐵嶺。開原。三縣。各存米四萬石。遼陽州。
廣甯縣。各存米五萬石。亦毋庸多儲。致滋潮溼。
永吉州。後裁現存倉穀一萬石。仍令照舊收儲。義

州新設。每年徵收地米。陸續蓋倉。俟有成數。再議存留。長甯縣後裁雖地僻民稀。未便並無積儲。酌令建倉。儲穀五千石以上。凡現存米石不足。議存之數。飭令買補易換。一併儲倉。有逾額者。悉行糶賣。將價銀解部充餉。至黑豆一項。供應驛站外所需無多。除向無儲豆之永吉長甯復州甯海均毋庸議外。其餘錦縣甯遠等九州縣。量為存留三千石二千石不等。贏餘不足者。亦照米石例辦理。○乾隆元年議准。江西動用存公銀買穀十萬餘石。分儲各府州縣。以備緩急。

○又奏准甘肅平涼慶陽二府所存食糧不敷於陝省撥糧八萬石以六萬石接濟平涼二萬石接濟慶陽○五年

諭地方積穀備用乃惠濟窮民第一要務而州縣有司惟恐貯穀過多平時難於照料離任難於交盤瞻顧遷延實為通病朕知之甚悉已屢降諭旨矣今年直隸山東河南江西等省皆獲豐收而各省奏報年穀順成者頗多况江西湖廣原係產米之地皆當乘時料理積貯之政如捐監一事宜竭力勸導多方鼓舞將抑勒阻撓胥吏苛索等弊悉行革除其他凡可以